



REPUBLIKA E KOSOVËS
 REPUBLIKA KOSOVA - REPUBLIC OF KOSOVA
 KOMUNA JUNIK
 OPŠTINA JUNIK – MUNICIPALITY OF JUNIK



REFERENC-Ë:	Numër 02-03/26
PËR/ZA/TO:	Anëtarët e Kuvendit Komunal Junik
NGA/OD/FROM	Leonard Lllolluni - Kryesues i Kuvendit Komunal Junik
DATË/A	31.03.2026
TEMA/SUBJEKAT/SUBJECT	Procesverbal

Në bazë të nenit 49 të Ligjit për Vetëqeverisje Lokale (Ligji Nr. 03/L-040, GZRK numër 28/2008), nenit 32 paragrafi 1 të Statutit të Komunës së Junikut, dhe nenit 18 paragrafi 1 i Rregullores së punës së Kuvendit të Komunës së Junikut, KK - Junik mbanë këtë:

PROCESVERBAL

Me rastin e mbajtjes së mbledhjes së tretë (3), të Kuvendit të Komunës së Junikut, me datë: 31.03.2026, duke filluar në ora 10:00. Mbledhjen e hapi dhe e udhëhoqi Kryesuesi i Kuvendit Komunal të Junikut: z. Leonard Lllolluni: i cili në fillim përshëndeti të gjithë të pranishmit në sallë, më pas e konstatoi se prezent në sallën e kuvendit janë 13 antaret e Kuvendit të Komunës së Junikut.

Anëtarët prezent

1. Leonard Lllolluni-Kryesues, AAK
2. Bedrush Hoxha-anëtar, LDK (**Mungon**)
3. Litafete Isufa-anëtare, LDK
4. Shpejtim Gacaferi- anëtar, LDK
5. Sadri Krasniqi- anëtar, LDK
6. Floris Miroci-anëtar, LDK
7. Blerta Sylja-anëtare, LDK
8. Burim Kuçi-anëtar, AAK
9. Ajshe Gacaferi-anëtare, AAK
10. Aldi Gacaferi-anëtar, AAK
11. Arlinda Pepshi-anëtare, AAK (**Mungon**)
12. Alfred Gaxherri-anëtar, AAK
13. Jetmir Tofaj-anëtar, LVV
14. Elsa Hima-anëtare, LVV
15. Lulzim Gacaferi-anëtar, LVV

Rendi i ditës i paraparë

1. Shqyrtimi dhe Miratimi i Procesverbalit nga mbledhja e kaluar,
2. Shqyrtimi dhe miratimi i kërkesës për bartjen e të hyrave vetanake nga viti 2025 në vitin 2026,
3. Shqyrtimi dhe miratimi i plotësimit ndryshimeve në rregulloren Komunale për Menaxhimin e Mbeturinave,
4. Shqyrtimi dhe miratimi i raportit të punës së Kuvendit të Junikut për vitin 2025,
5. Shqyrtimi dhe miratimi i inicimit të procedurave për hartimin e planit tre (3) vjeçar për strehim social,
6. Themelimi i Këshillit Komunal për Siguri në Bashkësi (KKSB),
7. Shqyrtimi dhe miratimi i inicimit të procedurave për hartimin e “Planit për Menaxhimin e Tokave Rurale” 2026-2030,
8. Pyetje nga anetarë të kuvendit, dhe
9. Të ndryshme.

Rendi i ditës miratohet me 13 vota për, kundër 0 vota dhe abstenim 0 vota.

1. Shqyrtimi dhe Miratimi i Procesverbalit nga mbledhja e kaluar,

Procesverbali miratohet me 13 vota për, 0 vota kundër dhe 0 vota abstenim.

2. Shqyrtimi dhe miratimi i kërkesës për bartjen e të hyrave vetanake nga viti 2025 në vitin 2026,

Sqarimin dhe arsyetimin e kërkesës për bartjen e të hyrave vetanake e bëri znj. Ardita Hoxha UD e Drejtoreshes për Buxhet dhe Financa, e cila fillimisht i përshëndeti të gjithë me pas e sqaroi dhe e arsyetoje dhe e sqaroi kërkesën për bartjen e të hyrave vetanake nga viti 2025 në vitin 2026 për anëtarë të Kuvendit.

z. Jetmir Tofaj, përshëndeti për të gjithë, në këtë pikë e kemi diskutuar edhe në mbledhjen e KPF-se dhe aty na është komtuar nga zyrtari i lartë për buxhet z. Artan Hamza, se shuma prej 23000 € do të shkojnë pagesë për borxhe të rrymës, ka pasur kercnime nga KESCO për shkyqje, dhe nëse nisemi prej asaj se kryetari i komunës është një maxhister i ekonomisë dhe mikro menaxhim nuk do ta kishte problem fare, sepse komuna e Junikut është një komunë e vogël me staf të vogël dhe rrjedhimisht e konsideroj menaxhim të dobët dhe jo efikas që të kemi një shumë prej 23000€ borxhe dhe të marim kercnim nga ana e KESCOS për shkyqje, për kundër kësajse LVV është konstruktive dhe nuk dëshirojmë të bllokojmë buxhetin që është për të mirën e qytetarëve të Komunes së Junikut në do të mbështesim bartjen e këtyre mjeteve me votë për.

z.Ruzhdi Shehu, përshëndetje për të gjithë, qeshtja e rrymës, nuk ka të bëjë me menaxhimin por kosoja është rritur, këto problem e kanë edhe komunat tjera, por në si komune kemi një buxhet të vogël dhe duhet me tentuar që të ulim shpenzimet në një gjendje kur kemi krize energjetike në nivel të vendit por edhe nivel global, dhe në si komune do të shiqojmë që këto shpenzime të ulim aq sa parshihen me standartet.

z.Leonard Llojuni, kërkesë tjetër nuk ka e qes në votim kërkesën për bartjen e të hyrave vetanake nga viti 2025 në vitin 2026, kush është për, për 13 vota, kundër 0 vota dhe abstenim 0 vota, konstatoi se kërkesa për bartjen e të hyrave vetanake u miratua.

3. Shqyrtimi dhe miratimi i plotësimit ndryshimeve në rregulloren Komunale për Menaxhimin e Mbeturinave,

Sqarimin dhe arsyetimin e plotësimit ndryshimit të rregullores komunale për menaxhimin e mbeturinave e bëri z.Demokrat Ganiqaj, UD i drejtorit për shërbime publike i cili fillimisht i përshëndeti të gjithë me pas e sqaroi dhe e arsyetoi plotësimit ndryshimin e rregullores komunale për menaxhimin e mbeturinave para anëtarëve të kuvendit.

z.Lulzim Gacaferi, përshëndetje për të gjithë, çmimi që keni vendosur në tabele a është çmim i vendosur nga ju apo nga operatori? Nuk është në detaj i specifikuar se nga ka ardhur ky çmim.

z.Demokrat Ganiqaj, me dt:02.12.2022 ministrja znj,Artane Rizvanoli ka marrë vendim për rritjen e çmimit për deponi të mbeturinave , kjo rritje vlenë deri në vitin 2027, ku prej viti pasues 2022 për çdo vit të rritet çmimi për 1 euro në deponi, dhe vendimi ka hyrë në fuqi nga 01.01.2023, andaj çmimin nuk e ka përcaktuar operatori sepse ligji ja jep kompetencat komunës, në nga kuvendi komunal kemi marrë një të drejtë për themelimin e komisionit punues, nga ky komision kemi ardhur në përfundim që është e nevojshme një ngritje e çmimit prej 15% për secilën kategori.

z.Lulzim Gacaferi, ky grupi punues a ka parapare që familjet me asistencë sociale të lirohen nga kjo pagesë.

z.Demokrat Ganiqaj, 99% e familjeve të komunës së Junikut janë të kyqura në këto në këto shërbim dhe nga operatori ekonomik kemi hasur në mirëkuptim që familjet me asistencë sociale të lirohen nga pagesa .

z.Burim Kuçi, përshëndetje për të gjithë, sa keni informacion se është rritja në total, 1€ është rritja, po mua po më intereson në total.

z.Demokrat Ganiqaj, nuk llogaritet në total por llogaritet në përqindje për secilën kategori.

z.Burim Kuçi, e bëra këto pyetje sepse në të ky operatori kemi dy puntore që punojnë dhe duke e marrë parasysh punën që e bëjnë dhe puna që është e rëndë e shohë të arsyshme që ju si grupe punues por edhe operatori ta merrni në konsideratë edhe rritjen e pagës për këta dy puntor, kjo është kërkesa e parë ndërsa kërkesa e dytë është që inkasanti të këto një zyre këtu në Juni, kjo do

te ishte e mire per te gjithë qytetare e komunës qe perposa pagese qe te bëjnë ne ate zyre, te kenë mundësin edhe te parashtroin ndonjë kerkese apo ankese, këto janë dy kërkesa te grupit te AAK-se, ne sot e përkrahim ne leximin e pare kete plotësim ndryshim te rregullores per mbeturina por ne qofse këto dy kërkesa nuk meren parasyshe ne nuk do ta përkrahim ne lexim te dyte.

z.Demokrate Ganiqaj, sa i perkete pagës per dy puntoret eshte qeshtje e mbrendshme e operatorit dhe me aq sa kame informata pagat ju kane rritur konform ligjit, edhe per page por edhe per zyre une mundem me angazhuar nje takim me operatorin juve si shef i grupit te AAK-se por edhe grupeve tjera dhe me i diskutuar këto tema.

znj.Litafete Isufaj, përshëndetje per te gjithë, vetëm deshta te sqaroje qeshjne lidhur me pagesat per mbeturinat te inkasanti, une dua te ju informaoje se operatori ekonomik ne fjale ka marrveshje me posten e Kosoves qe këto pagesa te kryhen edhe ne Poste, andaj qytetaret nuk kan nevojte te bëjnë pagesa ne rruge por munden me be ne zyrën e Postes, andaj pe sho te pa nevojshëm qe inkasanti te kete ne zyre.

z.Burim Kuçi, po meqë po kërkohet nje rritje e tille pse mos te kete edhe inkasanti ne zyre dhe ne si qytetare do e kishim me te letë se ku te drejtohem si per pagesa por edhe per qeshtje tjera siq e kane edhe operatoret tjer ekonomik si Hidrodrini.

z.Jetmir Tofaj, ne kete plotësim ndryshim te rregullores e kemi diskutuar edhe ne mbledhjne e KPF-se dhe aty e kam ngrite qeshtjen qe ngritja e përshkallëzuar e çmimit te behet 50cent nje vite dhe 50cent ne vitin tjetër, por kjo me siguri shkakton nje mori procedura tjera, qe me u miratua ne dy lexime, dhe ne pajtohem me kerkesn e z.Burim Kuçi qe operatori te kete nje zyre, ku përpos pagesave dhe marrjes se faturave qytetaret mun di shprehin kërkesat , shqetësimet e tyre, ne mandati e kaluar keni filluar te ndërtoni nje kompani publike, ndoshta ne kete mandat e pakta do ishte nje zyre.

z.Ruzhdi Shehu, qeshtja e ngritjes se çmimit eshte qeshtje e nivelit qendror, per zyre pajtona qe edhe ky operator ekonomik te kete zyre, une do te bisedoje me operatorin per kete qeshtje, ndërsa sa i perkete pagës, kete qeshtje e rregullon ligji i pagave.

z.Jetmir Tofaj, pse po thuni se ngritja e çmimin eshte qeshtje e nivleit qendror, ku ne sot e kemi si pike.

z.Ruzhdi Shehu,niveli qendror ka përcaktuar qe te kete rritje te çmimit ne deponi, andaj kjo po e përcakton eshë rritjen e çmimit per grumbullim te mbeturinave.

z.Leonard Lolluni, kerkese tjetër nuk ka e qes ne votim kerkese per plotësim ndryshim te rregullores komunale per mbeturina, kush eshte per, per 13 vota, kundër 0 vota dhe abstenim 0 vota, konstatoi se kërkesa per plotësim ndryshim te rregullores komunale per menaxhimin e mbeturinave u miratua.

4. Shqyrtimi dhe miratimi i raportit të punës së Kuvendit të Junikut për vitin 2025,

Arsyetimin dhe sqarimin e beri Kryesuesi i kuvendit z.Leonard Lllolluni.

z.Shpejtim Gacaferi, përshëndetje për të gjithë, e potencuar se ky raport i Kuvendit i nevojitet ekzekutivit për performancë, po ashtu ky raport mbetet në arkivën e komunës, dhe për deri sa nevojitet për performancë dhe mbetet në arkivë une do të përmendi disa gabime, me shumë të natyrës teknike, me qëllim që raporti të permisohet une do të përmendi këto gabime, faqe 2, në raport thuhet se kjo është legjistratura e gjashtë (6), duhet të jete legjistratura e pestë (5), pastaj të përfaqsimin i gjenisë thuhet në raport se kuvendi komunal ka qene i përfaqësuar nga tetë (8) meshkuj dhe shtatë (7) femra, duhet të jete nentë (9) meshkuj dhe gjashtë (6) femra, në të njëjtën faqe, përcaktimi i panelit prej tre (3) personave për përzgjedhjen e anetarve të komiteti për persona me aftësi të kufizuara, ky komitet nuk është themeluar në vitin 2025 por me herer, pastaj themelimi i komisioni për vlersimin e situatës së deponis së mbeturinave inerte edhe kjo nuk është themeluar në vitin 2025 por me herët, faqe tre (3), në raport thuhet se janë mbajtur tri (3) seanca të jashtëzakonshme, duhet të jete janë thirrur tri (3) senaca të jashtëzakonshme por vetëm një (1) është mbajtur, dy (2) të tjera kanë dështuar në mungesë të korumit, në të njëjtën faqe, në raport thuhet, rregulloret e miratuara nga ana e kuvendit të komunës gjatë viti 2022, të permisohet viti të bëhet 2025, faqe shtatë (7), po filloj na gjysma e faqes, në raport thuhet, në mbajtjen e kuvendit të komunës statusin e kuvendit të Junikut dhe rregulloren e punës së kuvendit, duke u ballafaquar (nisem nga gjysma e faqes) me probleme si të natyrës teknike, logjistike, ashtu edhe të natyrës ligjore dhe bashkëpunimit me ekzekutivin sa u përket sa u përket respektimi të proceduarve ligjore lidhur me shqyrtimin dhe iratimin e dokumenteve strategjike komunale, une në cilsinë e kryesuesi as njeh ete nuk e kam then por as ju si anetare të kuvendit nuk e keni thene që kemi patur probleme të natyrës teknike apo logjistike, as një here nuk e kemi thene se mungon bashkëpunimi me ekzekutivin, bilem kam thene se kryetari i komunës mer pjesë me se shumti në mbledhjet e kuvendit po ashtu edhe drejtoret për pos z.Demokrat Ganiqaj, jo që ai nuk ka dashtur por ka qene kerkese e anetarve të opozitës që ai të mos jete prezent në mbledhje, edhe kjo kisha dashtur të permisohet, dhe fjalia e fundit, ku thuhet falemenderimi për legjistraturen e gjashtë (6), duhet të jete falemenderimi për legjistraturen e pestë (5) 2021-2025, këto janë vërejtjet e mia.

z.Leonard Lllolluni, kerkese tjetër nuk ka e qes në votim raportin e punës së kuvendit për vitin 2025 me këto ndryshime të paraqitura nga z.Shpejtim Gacafer, kush është për, për 13 vota, kundër 0 vota dhe abstenim 0 vota, konstatoi se raporti i punës së kuvendit për vitin 2025 u miratua me ndryshime.

5. Shqyrtimi dhe miratimi i inicimit të procedurave për hartimin e planit tre (3) vjeçar për strehim social,

Sqarimin dhe arsyetimin e beri z.Fatos Shala, UD i drejtoris për Shëndesi, i cili fillimisht i përshëndeti të gjithë me pas e sqaroi dhe e arsyetoi inicimin e proceduarve për hartimin e planit tre (3) vjeçar për strehim social për anetarve të kuvendit.

z.Jetmir Tofaj, në po dimë se është vetëm inicim, por drejtor a mundesh me na shtjelluar se çka përmban ky plan, në pika të shkurta.

z.Fatos Shala, vete emërtimi strehime social po nënkupton se për çka behet fjale, por fillimisht do te themelohet grupi punues dhe do te hartohet ne perpeshmeri me nivelin qendror dhe te harmonizohet me komuna tjera, specifika e komunës tone, vetëm kjo ndryshon.

z.Jetmir Tofaj, po a do te kete banim social, per kete ka bere thirrje qeveria qendrore, dhe a ka përfituar komuna jone prej kësaj thirrje.

z.Fatos Shala, do te shofim, ne kemi qen ne nje takim me nivelin qendrore, qe te aplikojm ne kete thirrje te qeverise, por problemi i komues tone eshte se nuk kemi hapsira publike te mjaftushme, dhe tani e tutje do te shohi qe te sigurojmë eshë hapsir publike te mjaftushme.

z.Lulzim Gacaferi, a ka komuna jone projekt per kete qeshtje, meqë ministria perkatse ju ka ftuar ne takim, a ka komuna projekt konkret.

z.Fatos Shala, ne tani jemi ka iniciojmë proceduar per te hartuar kete plan.

z.Ruzhdi Shehu, qeshtja e udhëzuesit te hartimit te planit per banim social eshte qeshtje e politikës qendrore dhe te gjitha komunat ju kan bashkangjitur me ato kapacitete qe kane, qe edhe ne te përfitojmë nga ky plani duhet te formojmë nje grupe punues qe te hartoj plani mbi banimin social, ndërsa neve si komune na mbetet si mundsi e gjetjes se hapsirave per ndërtimin e tyre.

z.Jetmir Tofaj, projekt ligji qe eshte miratuar nga qeveria parashe krijimin e programeve te banimit përmes përcaktimit te rregullave, procedurave te zbatimit te shpërndarjes se banesave, besoj se edhe ky plane do te permbaje te njëjtën, kriteret, proceduart per shpërndarjen e banesave, por ne si komune jemi te pika e pare, nuk i kemi banesat akoma, e para kesa edhe lokacioni, para kësaj mbledhje ne kemi pasur nje vendim per pronat qe ipen ne shfrytëzim nga drejtori i urbanizmit dhe kadastër, a qaq e pa mundur eshte me gjetur nje lokacion, sepse ne ate liste duhet te kete nje lokacion, ne menyre qe ne këtu mos ta miratojmë nje plan, te miratojmë ne plane vetëm qe te perputhet me nivelin qendror, e te mos na nevoitet asgjë, une mendoj se komuna mund te perfitoje nga ky projekt nëse ecim me hapa me te shpejte ne kete aspekt.

z.Fatos Shala, kete plane e kane hatuar vetëm katër (4) komuna, eshte Gjakova, Drenasi, Podujeva dhe (nuk dëgjohet qarte nga cingrrima e telefonit), komunat tjera te gjitha janë ne proces te njejte si ne.

z.Ruzhdi Shehu, ne kemi te bejem me nje nisme ligjore qe dueht te meret ne Kuvend, pastaj per çdo ecuri tutje do te jete i njoftuar edhe kuvendi, tani eshte nisma per krijimin e nje grupi punues i cili do te meret me këto politika, asgjë tjetër, dhe ne kemi shprehur gadeshmeri qe kete qeshtje ta shtyem përpara.

z.Leonard Lolluni, meqë jemi te kjo pike, qe eshte mjaft e ndishme, dhe po ashtu e di se sa e veshtire eshte edhe mirëmbajtja e komunës këto qendra sociale sepse kan nje kosto te larte dhe ne si komune me bushet te voges eshte e pa mundur ti mirëmbajmë pa ndimen e qeveris qendrore, por përkundër kësaj ne duhet ti kemi këto sepse kemi njerze qe kane nevojë per këto banesa sociale siq e kemi rastin tani te z.Avni Gjocaj i cili per momentin nu ka shtëpi apo vend

ku te banoj, andaj kisha kërkuar qe komuna te shiqoje mundësin qe ti gjeje nje vend per te banuar keti qytetar.

z.Ruzhdi Shehu, pikerisht ky plan i aderson keto shqetsime qe u permenden ktu per keta persona siq eshte z.Avni Gjocaj, prandaj po e hartojme nje politik e cila duhet te na shtyje ne si qeverisje lokale te gjejme hapsira dhe mundesi qe ky objekt te ndertohtet.

z.Jetmir Tofaj, une prap po them se nuk mjafton vetem plani, duhet perfitimi i thirrjeve te ndryshme nga niveli qendrore, siq eshte rasti per komunen e Shtimes, nje komune relativisht e vogel e cila ka nenshkruar memorandum bashkepunimi ne dhjetore te viti 2024 me ministrin e mjedisit, planifikimit hapsinore, per projektin renovim rindertim te shtepive private per familjet dhe individet e cenushme ne kuader te banimit social adekuat, kjo eshte nje thirrje qe do te kishte perfituar edhe komuna e Junikut per kete familje te cenushme me nje kosto te vogel.

z.Ruzhdi Shehu, sa per informacion ne si komune kemi nenshkruar memorandum bashkepunimi me ministrin e linjes dhe ne kete derjtim eshte ne proces e siper.

z.Zenun Shala, pershendetje per te gjithë, per me e vertetuar ate qe e tha kryetari i komunes, ne ju kemi pergjigjur thirrjes se ministris se linjes, ate thirrje e kemi publikuar ne web-faqe te komunes, dhe kemi familje qe kane aplikuar per rindertim dhe riparim te shtepive, dhe tash jemi ne fazen perfundimtare per ata qe kane aplikuar, dhe ministria na i ka pranuar te gjitha ato aplikime.

z.Leonard Lolluni, kerkese tjeter nuk ka une e qes ne votim inicimin e procedurave per hartimin e planit tre (3) vjeçare per strehim social, kush eshte per, per 3 vota, kunder 0 vota dhe abstenim 0 vota, konstatoi se inicimi i procedurave per hartimin e planit tre (3) vjeçare per strehim social u miratua.

6. Themelimi i Këshillit Komunal për Siguri në Bashkësi (KKSB),

Sqarimin dhe arsyetimin e themelimit te keshillit komuna per siguri ne bashkesi, e beri Kryetari i Komunes z.Ruzhdi Shehu.

z.Leonard Lolluni, kerkese nuk ka, e qese ne votim themelimin e KKSB_se, kush eshte per, per 12 vota, kunder 0 vota dhe abstenim 1 votë, konstatoi se temelimi i KKSB_se u miratua.

7. Shqyrtimi dhe miratimi i inicimit të procedurave për hartimin e “Planit për Menaxhimin e Tokave Rurale” 2026-2030,

Sqarimin dhe arsyetimin e beri z.Tafë Tofaj- UD i drejtorit per Ekonomi dhe Zhvillim, i cili fillimisht i pershendeti te gjithë me pas e sqroi dhe e arsyetoi inicimin e proceduarve per hartimin e “Planit per Menaxhimin e Tokave Rurale” 2026-2030 para anetarve te kuvendit.

z.Leonard Lolluni, kerekes nuk ka, e qes ne votim, inicimit të procedurave për hartimin e “Planit për Menaxhimin e Tokave Rurale” 2026-2030, kush eshte per, per 13 vota, kunder 0 vota dhe

abstenim 0 vota, konstatoi se inicimit të procedurave për hartimin e “Planit për Menaxhimin e Tokave Rurale” 2026-2030, u miratua.

8. Pyetje nga anetaret e kuvendit,

z.Jetmir Tofaj, po e rikethej edhe nje here perpjekten e rrymes ne lokaciona aruah, ku ne mbledhjen e KPF_se kryetar i Komunes na tha se duhet te mbledhen nenshkrimet e qytetarve te ati lokacioni, une ju njoftoj se qytetaret e kan bere mbledhjen e nenshkrimeve, dhe ju inkuaroje se ne tamikme me KESCO ta ngrisni kete qeshtje. Po ashtu kam patur nje ftese per takim nga Teqja e Junikut, edhe ata i kane disa kerkesa qe ende nuk jane permbushur siq eshte problemi me ujra te zeza qe nuk eshte problem vetem i teqes por edhe i banorve per rrethe si dhe i pengesave te shpejtesie se automjeteve ne rruge une kto kerkesa po i kumtoj se jua eshte premtuar nga ana e juaj (kryetarit) qe do te zgjedhen sa me shpejte, dhe une po shpresoj se kjo do te ndodhe.

z.Ruzhdi Shehu, qeshtja e ujrave te zeza ka qene edhe me heret, dhe ne jemi mare me kete qeshtje por kemi hasur ne problem te qeshtjes pronsore, por shpresoj se do ta zgjedhim kete qeshtje me komunikim te mbredshme, ndersa qeshtja e pengesave te shpejtesin se automjeteve do te shiqojme mundesi te behet ne menyren stadarte sepse ne disa lokaciona jane bere te teperta, por me rishqimin e buxheti do te shiqojme mundesit qe edhe ne ate ojese te kene keto pengesa, por edhe kanalizim per ujra te zeza.

z.Burim Kuçi, une kame dy pyetje per kryetarin, kryetar siq e dine ministrja znj.Pacolli ka mare vendit qe te ndalen te gjitha punet ne bshjekete , a eshte cekur edhe per bjeshtekt e Junikut, nese po a ka mare komuna ndonje vendim nga ministria?

z.Ruzhdi Shehu, jo vendim nuk kemi mare nga ministria, por kemi kekruat takim me ministrin gjegjse qe ti shiqojme mundesit e planeve te hollsishme.

z.Burim Kuçi, pyetaj e dyte ka te beje me ndreqimin publik ku ne disa lagje ka filluar te bjer tersishte, a keni ne plane te ndermerni masa , pasi qe keni premtuar drite, e me ju ba terr.

z.Ruzhdi Shehu, e kemi parasysh kete gjendje dhe do te ndermarim masa qe te permesohen.

znj.Litafete Isufaj, une kam nje kerkese per drejtorin z.Demokrat Ganiqaj per qeshtjen e kamerave te sigurise si jane mundesit qe ti vendosni disa kamera te siguris edhe ne lagjen Goçaj dhe Moronica.

z.Demokrat Ganiqaj, ne e kemi patur nje projekt ne vitet e kaluara, ne shume prej 50000€, ku kemi beren ndertimin e rrjetit te kamerave te sigurise, ku nga ky projekt eshte mbuluar rrethe 70% e teritorit te komunes, ndersa tash kemi pranuar nje donacion nga KFOR Italian ne vlere prej 20000€, ku me pergjesi te plot e them se do ta mbulojme edhe ate 30% te teritorit te mbetur.

z.Lulzim Gacaferi, ne e dime se me ndertimin e rruges per bjeshtekt e Junikut eshte bere nje pune kolesiale nga qeveria e Albin Kurti, ku Komunes se Junikut do te ja mundsoje zhvillimin e turizmit ne ate pjese, dhe mua po me intereson ajo se a ka bere komuna ndonje plan qe ne zonen e trete te lesheje prona per palet e interesuar te investojne ne ate pjese pasi qe ligji e mundson te

kete ndertime ne zonen e trete. Dhe a keni ne plan qe ne te ardhmen ne bashkpunim me KESCO te shtrin rrjetin elektrik edhe ne keto zona, e cila do te mundsonte edhe me shume zhvillimin e turizmit.

z.Ruzhdi Shehu, jemi ne pritje te bashkpunimit me KESCO sa i perkete shtrirjes se rrjetit elektrin ne ate pjese, ndersa sa i perkete zones se trete ajo eshte kopetenc e Parkut Nacional, dhe mbikeqyret nga niveli qendror nuk ka mbikqyrje te nivelit lokal, ne zonen e trete lijdhet zhvillimi por paraprakisht mbikqyret nga Parku Nacional.

z.Jetmir Tofaj, ne mbledhjen e fundit kam bere pyetje lidhur me uzupimet dhe me eshte thene se ne kete mbledhje do ta kem pergjigjen, por ne te njeten kohe e kemi ligjin qe e trajton ndertimet pa leje qe mundeson legazlizimin e objekteve derin ne vitin 2026 nese nuk gabohem, dhe keto jane procese qe bejne qytezen me qene me urbane, rregullimi edhe i uzupimeve, trajtimi i ndertimeve pa leje si dhe rregullimi i varrezave, ne jemi prezent ketu dhe qytetaret ende nuk i varrosin ne varrezat e qytetit, ne komuna tjera kjo qeshtje eshte e rregulluar dhe nuk guxojne ti varrosin diku tjeter perpos ne varrezat e qytetit, ndersa ne komunen tone jo, une mendoj se duhet te ndermorni masa per kete qeshtje.

z.Ruzhdi Shehu, sa i perkete uzupimeve, lendet jane ne organet e drejtesis dhe jane duke u shqyrtua, ndersa sa i perkete varrezave, ka nje rregullore te menaxhimit te varrezave dhe shume shpejt do te trejtohet.

9. Te ndryshme.

z.Leonard Llolluni, para se te dalim te kjo pike, ne mbledhjne e kaluar e keni mare ftesen per trajnimin e anetareve te rei te kuvendit dhe ju njoftoje edhe nje here se trajnimi i pare eshte me dt;02.04.2026 ne Peje, dhe kush ka mundesi te shkoje materialin ja kam dergualr ne mbledhjen e fundit, dhe si pike tjeter eshte me rendesi qe secili na ju te shkonit te zyrtari i IT z.Rrustem Pepshi te fotografohi pasi qe po kerkohet per publikim ne web-faqen e komunes.

z.Lulzim Gacaferi, qeshtja ka te beje asfaltimi i rruges ne lagjen Gacafer, me aq sa ndegjova nga raporti qe beri drejtoresha per buxhet dhe finaca, tha se ka perfunduar faza e pare e afaltimit keshtu mu duk se degjova pasi qe nuk u degjojke mire, mua po me intereson kur kryhen fazat dy dhe tre, une e di se komuna ka buxhet te limituar por fartmesisht e kemi qeverin qendrore dhe qeveria eshte e fuqishme dhe ata munden te na sjellin mjete finaciara ashtu siqe kane sjelluar gjithemon.

z.Ruzhdi Shehu, faza e pare eshte kryer por qeshtja eshte te buxheti por me duhet te shkoje nja dy dite ne Prishtin per kete qeshtje dhe kjo do te kryhet.

z.Leonard Llolluni, e shpalli te mbyllur mbledhjen e Marsit 2026

Procesmbajtësi:
z. Esat Hoxha

Kryesuesi i Kuvendit
z. Leonard Llolluni

